

2

ILL.^{MO} D. D.

DECANO ET CAPITULO
ALMÆ METROPOLITANÆ
AC PATRIARCHALIS ECCLESIAE
HISPALENSIS
CLERICORUM REGULARIUM
MINORUM

BÆTICA PROVINCIA PRO COMITIBUS PROVINCIALIBUS
CELEBRANDIS CONGREGATA,

PROPOSITIONES GENERALES
IN UNIVERSAM SCRIPTURAM SACRAM,
EX VERBI DEI IN ÆTERNUM MANENTIS,
EJUSDEMQUE AUGUSTISSIMI NOMINIS ARCANIS
VENERANDIS DEPROMPTAS,
IN AMORIS, AC GRATITUDINIS
OBSEQUENTISSIMUM SIGNUM

D. O. S.



Nacto permissu, et Regii Censoris approbatione: HISPALI: excudit
Typificus Major, ejusdem Nobilissimæ, Fidelissimæque
Civitatis.

ILL. D. D.

DECANO ET CAPITULO

ALMÆ METROPOLITANÆ

AC PATIARCHALIS ECCLESIE

HELLENICÆ

CLERICORUM REGULARIUM

MINORUM

NATI ET PROVINCIE RUSSE CONTOU PROLOCUTORUM

ET STUDII HELLENICI

PROPOSITIONES GENERALES

UNIVERSAM SCRIPTURAM SACRAM

IN TOTA ET IN PARTE

EXPOSITIO ALPHABETICA ET PERIODE

SYNTACTICA HELLENICA

IN AGRIS, AC ORATIONIBUS

ORATIONIBUS

D. O. S.



ATHEŒ, IN AGRIS, AC ORATIONIBUS

ORATIONIBUS



AD MAIOREM RESURGENTIS GLORIAM,

PROVINCIA Boëtica Clericorum
Minorum Regularium, Comitii
triennialibus congregata, manen-
tis in æternum Verbi Dei, ejus-
demque augustissimi Nominis arcana vene-
randa, Sapientiam inhians elucidare, in quan-
tum datum est mortalibus, reserare aggredi-
tur. Nosque, meritis licet imparibus, ad hocce
munus, pro sua benignitate, designati, ejusdem
Provinciae nomine, et si de nostri tenuitate
ingenii diffidentes, præfatum Sacro-Sanctum
tremendumque Dei Nomen, scriptum vene-
rabile Verbum defendere, atque explanare,
conamur.

Deum Optimum Maximum, ejusdem per-
manens, et æternum Verbum, Tremendum-
que ipsius venerabile Nomen, quid esse unum,

et idem, Catholicorum inficiabitur nemo. In Verbo etenim suo, qui potens est, et Sanctum Nomen ejus omnia quæcunque voluit, fecit, et creavit. Hoc Verbum, hoc Nomen Sanctum, Sacris in litteris, velut in pellucido speculo, nobis manifestatum, et traditum, quatuor hebraici idiomatis elementis admirabili, ac in mysteriis foecundissimo modo, ipsius Dei Spiritu insufflante, continetur: undè à Græcis *Tetragrammaton*, (a) sicut etiam à Latinis appellatur. Quatuor hæ littæ sunt, *Jod, He, Vau, He*; (b) à quibus, velut à nunquam exhausto Lucis, ac Sapientiæ fonte, per arcanos, ut Kabalistæ loquuntur, Canales, (c) in omnia creata visibilia, et invisibilia, admirando quidem mysterio, virtus, et foecundissimæ Divinæ Mentis operationes ad extra derivantur.

Ex his enim quatuor elementis mira subtilitate, et ingenio combinatis, ac diversimodè lectis, omnia profluere demonstrant, quæ

(a) Græcè *Τετραγράμματον* id est quatuor litterarum.

(b) יהוה nota inverso ordine hic apponi sicuti referuntur, non hebræi scribentes à dextera à *Jod*, incipiunt.

(c) Vide *Templ. Salomon. Sephirotic. Schemma. Athanas. Kirker. in Oedip. p. 1. tom. 2. clas. 7. et Rab. plur. passim in operib. Kabalist.*

in Sacris Veteris Testamenti libris continentur, Verba, sententiæ, conceptus, ordo, et siquid est aliud, quod nostra intersit, quodque ad profundiorum sensum adipiscendum, in ipsis inveniatur. Improbis esset labor, et opus; non omnia, quæ ad hanc profundissimam scientiam pertinent, sed vel pauca illa, quæ, Deo dante, ut ad aliqualem sacrorum librorum intelligentiam perveniremus, possidere potuimus, ad nostras, quas offerimus de Verbo Dei propositiones dilucidandas, exponere, et explanare: quapropter aliquali delibatione contenti, quæ ad nostrum finem indigitandum sufficiant, ex Pardes, ex Oedipo, et ex Ziruph, eruta proponemus.

Ea siquidem incomprehensibilis Deitas, cujus esse Nomen, cujus substantia Verbum, præfatis quatuor elementis contenta, Trina à cunctis Catholicis confitetur, et prædicatur. Unde si duplex Sancti Nominis *He* (a) quasi unicum, etsi repetitum, elementum reputetur; tres distinctæ litteræ in uno, eodem-

A

dem-

(a) ה'ה'ה' ubi aparet secundam et ultimam litteram esse unam.

demque nomine, sicut tres distinctæ hipostasies in una, eademque natura, inveniuntur. Si verò quatuor Sancti Nominis elementa per tria multiplicentur; Augustino duce, (a) duodenarium sæpissimè in Sacris litteris commendatum, et à Sanctis Patribus laudatum numerum inveniemus; atque in hoc mystico duodenario, arcanum aliud nomen ejusdem Dei continetur, quod antiquissimi Scripturarum Expositores, et profundissimi mysteriorum indagatores *duodecim litterarum nomen* (b) passim nuncuparunt.

Hoc Dodecagrammaton nomen Dei, ait R. Rambam (c) *dicitur unum, non quod unum vere sit, sed quod sint sex nomina in unum composita, arcana Dei venerandi continentia attributa unius simplicissimæ essentiæ*, e

pe.

(a) August. super Psalm. 86. Ante medium, ubi etsi ad alium Mysteriorum explicandum, eodem utitur explanatione per multiplicationem similem.

(b) *Græce Δοδεδεκάγραμματον* de quo innumeri sed præcipuè R. Rambam lib. ii מורה נבוכים Morenebuchim. Videatur etiam Galat. lib. 2. de Arcanis Cathol. verit. ferè per tot.

(c) Idem ibidem. Hoc nomen non docuerunt Patres nisi illos honestos, et pudicos viros, qui erant in Sacerdotio, eo quod Verbi Dei mirificas qualitates in se contineret. Athan. Kirk. in Oedip. tom. 2. p. 1. clas. 4. de Cabal. hebræor. §. 3.

*perenni fonte Sacro-Sancti Nominis J EHO-
VAH derivata.* Et quidem facili negotio al-
tissima hæc prædicata patefient mysteria, si
vel duodecim ejusdem Nominis litteras, qua-
tuor ternariis divisas, hoc est Ternas, lega-
mus, vel binas, seu in sex binaria distributas
interpretemur. Primo enim modo *Pater,
Filius, Spiritus-Sanctus* enunciant: Hebrai-
cè: *Ab, Ben, Rub-Hakados.* Secundo au-
tem modo, VERITAS, CONFORMITAS,
CERTITUDO, CLARITAS, STABILI-
TAS, INCORRUPTIBILITAS interpre-
tantur. (a) Quæ omnia diffusiori, et si obs-
curiori modo R. Abraham in Jezirah, R. Jo-
seph Castilion. R. Recchai, et ex Latinis Gala-
tinus, Sixtus Senensis, Athanasius Kirker,
Georgius Venetus, et alii passim commen-
dant, et venerantur.

En ergo ex inefabilis *Tetragrammaton* Di-
vino fonte, Æterni Verbi Trinam essentiam,
sex admirabilibus attributis; in ipso Verbo

scrip-

(a) Hoc est nomen *Dodecagrammaton* אבן יהוה חקרו Author. præ-
cator, mente,

scripto manifestatam, inque Sancto *Dodecagrammaton* contentam. Verum enim verò ne fortè, nescio quis arcanæ istiusmodi Theologiæ sciolus, perperam nos, ex his fontibus, et Verbum Dei scriptum, et ejusdem sex præcipua prædicata derivare, garriat; ejusdem Sacro-Sancti *Dodecagrammaton* mysteria, in minimo saltem perscrutemur. Et ut tam mira, tamque nostro acommodata desiderio, minimè nos proprio ingenio confinxisse pateat; ductores nostros fatemur, non solum melioris notæ inter Rabinos interpretes, ac præcipue R. Nehuniam, (a) sed et complures latinos, maximè Galatinum, (b) inter omnes facilè Coripheum.

Ergo duodecim præfati Sancti Nominis elementa, per sex, quæ in ipso vidimus contineri, veneranda Verbi Dei scripti prædicata, multiplicatione ducta; septuaginta duo efficiunt, quæ sunt vel totidem Venerandæ Essentiæ attributa, ab unaquaque harum litte-

(a) In *Par. les* ferè innumèris locis.

(b) *Lib. 2. de Arcan. Catholic. veritat. Passim.*

rarum incipientia (a) ; vel , oportuniùs ad nostrum finem , septuaginta duo elementa , quæis constat celeberrimum , et (ut ait Kirker) omnium mysteriorum Epitome , et Anacephaleosis , (b) Dei nomen *Hebdecontaduo-grammaton* (c) , ceu septuaginta duarum litterarum.

Eccè jam , quo ad nos attinet , patefactum mysterium. In memoriam , quæsumus , revo- cate reconditum illud arcanum à Doctore Maximo conclamatum , de numero elemen- torum Alphabeti Hebraici (d) numero Sa- crorum Voluminum ab Hebræis in Canone habitorum , omninò respondente. Quomodo igitur , ait , *Viginti duo elementa sunt , per quæ scribimus hebraicè omne , quod loquimur , et eorum initiis vox humana comprehenditur ; ita Viginti duo Volumina supputantur , quibus quasi litteris , et exordiis , in Dei Doctrina , tenera , et adhuc lactens viri justī eruditur*

in-

(a) Oedip. Ægypt. tom. 2. p. 1. clas. 4. de Kabal. Hebræorum cap. 6. fol. mihi 271.

(b) Ibid. Kirk. in Schemmat. myst. Nom. Tetragr.

(c) *Ἡβδεκονταδύογραμματον*. Græcè nuncupat.

(d) In Prolog. ad Vers. Veter. Testam.

infantia. Ita nos, non absimili misterio, multorum tam ex Judæis doctissimis, quam ex Sapientissimis Christianis (a) auctoritate suffulti, ex iis omnibus, quæ hucusque exposuimus, Hieronymum sequentes, effamur

Quomodó igitur Deus in Verbo, et Nominis suo, omnia quæcumque voluit fecit, quod placuit docuit, et manifestavit; ita per quatuor arcana elementa venerabilis sui scripti Nominis, non solum esse suum incomprehensibile, sed et admirabilia Verbi æterni attributa patefacere, non est dedignatus, in Sacro-Sancto *Dodecagrammaton*, ex quo etiam, ad Ecclesiæ suæ Sanctæ Doctrinæ stabilendam, magnum illud, et arcanum nomen *Hebdecontaduogrammaton* effluere manifestavit, ut in ipsius septuaginta duobus elementis Sancta septuaginta duo volumina in quibus vetus, novaque lex, seu Verbum Dei scriptum, continetur, sex prædictis Divinæ lucis characteribus firmatum, scilicet

(a) Qui supra et etiam R. Salmon in *Beresith*. R. Rechab, Ben, Dab, in *Pom. aur. Abrah. Eccelens. Maronit.* in *Opusc. de Arcan. incompres.* quibus omn. Asemanni et D. Herbelot in *Bibliothec. orientalib. et Rabin.*

VERITATE, CONFORMITATE, CERTITUDINE, CLARITATE, STABILITATE, INCORRUPTIBILITATE.

Hi ergo Characteres, qui Verbo Dei, ejusque Nomini sunt essentielles, eidem Verbo Scripto sunt inseparabiles proprietates. Volentes igitur nos hoc Dei Scriptum Verbum undequaque, et omnimodo firmum defendere, et prædicare; pro singulis prædictis proprietatibus, singulas propositiones, ex variis conclusionibus coagmentatas, proponimus defendendas.

PROPOSITIONES GENERALES.

I.

PRO VERITATE,

IN omnibus Libris Veteris Testamenti, qui in Codice Hiericuntino (quem, ut potè absdubiò inter eos, qui ad nos usque pervenerunt, antiquiorem, et copiosiore, quasi Authographum defendimus) inveniuntur, Mystera Sacrorum Nominum Dei, et præ-

cipuè Trium, de quibus locuti sumus, lucu-
 lenter demonstrantur. Idem, et reliqui Ve-
 teris Testamenti, cum omnibus Novæ Legis
 prout sunt in Vulgata, qui numero septua-
 ginta duo sunt, et à S. Tridentina Synodo re-
 censentur, et Canonici, atque Authentici
 declarantur; in prænotatis septuaginta
 duabus litteris Magni Nominis Dei designan-
 tur, suntque verè Canonici, et Authentici.
 Id vero non obstat, sicut nec eorundem fir-
 ma veritas, quominus materiales errores ha-
 beant, jam Transcriptorum, et Typographo-
 rum incuria, jam opinionum, et parum
 accuratarum in scientiis notionum causa, qui-
 bus ipsi Auctores imbuti erant, pro majori
 vel minori litteratura suorum temporum.
 Declaratio autem Tridentina, aliarum ver-
 sionum, præcipuè earum, quæ pro Autho-
 graphis habentur, et Septuaginta In-
 terpretum, nihil derogat
 auctoritati.

II.

PRO CONFORMITATE

ADEO defendimus Conformitatem elucere in præfatis omnibus Sacris Voluminibus, ut omninò tam inter se ipsa, quam inter eorundem partes omni absolute vera contradictione, aut antilogia carere, affirmare non dubitemur. Quasumque ergo Antilogias, in verbis, aut in sensu, vel hucusque inventas, vel à Sapientissimis Doctoribus, et Magistris inveniendas, solvere, et conciliare promittimus; sive intra idem caput, sive intra eundem Librum, sive tandem in diversis Libris inveniantur.

III.

PRO CERTITUDINE,

SI quæ dubia, si quæ incerta in Sacris Voluminibus reperiantur, id hominum menti, nullomodo Dei Verbo tribuendum est. Nihil ergo in scripturis in se dubium, omne in Sacris Voluminibus certum. Quæcumque au-

tem dubia ex mente humana circa Sacra septuaginta duo volumina, vel quamlibet ipsorum partem, tum à Catholicis, cum ab Hæreticis, aut infidelibus hucusque suscitata; vel ad placitum de novo sint suscitanda; pro viribus resolvemus, nostrasque resolutiones probabimus, et ab objectionibus defendemus.

IV.

PRO CLARITATE,

QUÆ absdubio à vera, et genuina Verbi Dei interpretatione dependet; omnia quæcumque loca, è quibus vel antilogiæ eruantur vel super quibus dubia suscitentur, ad mentem S. C. Ecclesiæ, et SS. Patrum, vera, et genuinæ interpretatione declarabimus; pulsus procul et confutatis sive Accatholicorum, sive Moslemorum, sive Judaizantium detestabilibus, atque sinistris explicationibus, præcipuè ab Hæreticis quatuor posteriorum sæculorum, et quæ ab Hebræis in Misna, et à Moslemis in Alcorano adoptantur, et defenduntur.

PRO STABILITATE

QUÆCUNQUE omnia ad rem Chronologicam in Sacris Litteris pertinent, firmo, ac stabili computu, inter se cohærent, eaque optimè concordata defendemus, cum historiis, tum Sacris cum Prophanis, et earumdem Chronologiis; cum iis, scilicèt, quæ ab antiquioribus, et modernis habemus, et à Viris Doctis, communiter, et Universaliter cum plausu recipiuntur: tales sunt:

Ex Orientalibus:

Annales Sinarum à P. Gaubil gallice editi. *Historiæ Su-ma-kuan, et San-hoan-ki*, à D. Fourmont item Gallice compilatæ. *Lumen Temporum*, auctore *Abi-Mahomad-Giaber* Babdagensis; et *Historia Elam*, auctore *Abi Haps* Persa, de quibus D. Casiri in *Bibl. Arab.*

Ex antiquis Græcis et Latinis:

Annales Persarum, et *Babiloniorum*, incerto auctore. *Dion. Cas. Diodorus Siculus.*

Suetonius Tranq. Salustius, Livius. Plutarchus, Strabo.

Ex recentioribus Hispanis, Gallis, Anglis Italis &c.

Historia Universalis Londinens. Nangis Bonami, Antonelli, Mariana, Morales, Calza, Rollin.

Ex Ecclesiasticis antiquis, et recentioribus

D. Hieronymus, Theodoretus, Phocius Evagrius, Petavius, Berti, Natalis, Fleury Flores, et Pedraza Granatensis in computo exactissimus.

VI.

PRO INCORRUPTIBILITATE

ASERIMUS, et si variis, ac distinctis Idiomatibus Verbum Dei fuerit transcriptum, non semel ab impiorum malitia deturpatum ejusdem Dei inefabili Providentia ad omnes gentes incorruptum pervenisse: Unde nostra Versio Vulgata absdubiò Authentica, et substantialis erroris libera, omnino conformis est hæbraico textui, prout extat in B

bliis Benedicti Arias Montano: rejectis tamen Masoretarum punctis, quibus, locis non paucis, genuina lectio vitatur. Ii verò libri, qui Hæbraicè non supersunt, ac proindè non inveniuntur in Codice Hiericuntino (quem etiam cum Vulgata conformem defendimus) Græcis exemplaribus Septuaginta Interpretum, et iis, qui in Exaplis Origenianis pro Authographis habentur, conformes sunt. Novi verò Testamenti Volumina cum autographis Divi Hieronymi in Codice Rufiniano extantibus, omninò concordantia inveniuntur. Insuper integrum utrumque testamentum cum versionibus Arabica, Siriaca, Caldaica, et Græca, uti hæc extant in Exaplis Londinensibus anni 1656, conforme in omnibus suis partibus respectivè defendimus.



*Quæ omnia in Verbi Dei, ejusque Sancti,
ac Venerandi Nominis honorem et elucidatio-
nem defendentur in SPIRITUS SANCTI
Cler. Minor. Hispalensi Domo die 15 Sep-
tembris anni Domini 1788 à P. VIN-*

*CENTIO GARCIA in ejusdem Or-
dinis Malacitan. Collegio D.*

Thom. Aquin. Studentium

Magistro,

A D S I S T E N T E

*P. JO. VELAZQUEZ DE ECHE-
VERRIA Sac. Theologiæ Lectore, ejusdem*

Facultatis et Sac. Canonum in Reg.

Granatens. Universitate Doctore,

ac in eadem Primario Sac.

Script. Cathedræ Modera-

tore , et Studior.

Præfecto.

